



THUHMA

Independent Kohran Year Planner ah um angin Music Week 2026 I chu August 3-9, 2026 sùng ei hmang nawk ding a nia, hun iemani chen kha subject hai neiin hlâwktakin ei lo hmang ta hlaka, tukum khawm Assembly Musical Board chun ICI Kum Thupui “Pathien Chibai Bûk” a ni angin ei kum thupui le inzuola subject hai siem dingin AMB Secretary, Pu Diamond Malsawmthang a ruota, hun intep tak kar ah theitawp suoin Music Week 2026 subject thatak el “Pathien Chibai Bûktuhai Hringnun” tiin a hung siem hi lawmum ei tia, subject siemtu kuomah lawmthu ei hril a nih.

Subject bua zieka um angin Music Week hmang dan ding hai thataka zâwm seng ding le Local Kohran tinin phûrtaka program hmang seng dingin ei in ditsak. Music Week hi thalai hai ta ding chaua ngai a awl hlak el khela Local Committee in thalai hai a papêk nuom deu hlak, amiruokchu ei danbu le ei inthuidan angtaken Local Committee in ringzo taka a ruot Local Music Committee hai hmalakna in Local Committee le inhrepawa Kohran pumpui hmang dingin program buotsai dingin ei in ngen bawk a nih.

Lalpa malsawmna tamtak dawnga Music Week 2026 hmang seng dingin ditsakna insângtak ei inhlân.

Upa L. Hmingsang Joute
Chairman
 Assembly Musical Board



Assembly Musical Board hmalak nain Music Week hi subject Aneiin kum iengzam ani ei lo nei taa, rimawi thilthawtheina dâm, kohran rimawi dâm, Pathien inpâkna le chibai bûkna dâm, Pathien chu thlarau le titakzeta chibai bûk ding a ni zie hai dâm ei lo inchûkin kohran hai lai khawm ei hrilrawn ta hle. Tukum khawm ei kohran thupui “Pathien Chibai Bûk” a ni leiin thupui dang hlawk hmang dân a umin ân lang nawa, amiruokchu mimal taka eiin ennawn theina ding âwn zâwng le Pathien chibai bûkna kawnga mimal tin mawphurnahai ei hrietchieng nawk zuolna dingin “Pathien chibai bûktuhai HRINGNUN” tiin subject ei hung siem a nih.

“Pathien chibai bûktuhai Hringnun” ti hin a thupui tak hlawp lien deuin ei hung ziek el a chu Pathien chibai bûktuhai mizie ti dâm ei inhuomtir sa vawng ding a nih. Kristien theology thupui laimu tak laia pakhat chu “Chibai bûktu hringnun neia hring” (Living a life of worship) a ni angin Pathien chibai bûktuhai chu Hringna Hring neihai an nih. Pathien chibai bûkna hi hringnun a dinga thutlûkna siemna kawng a dâm, sungkuo in enkawl na kawnga le iengkima dinga Pathien ditzawnga fie taka hringnun ei khal theina dinga tarmit pawimaw tak a ni ve tlat a nih.

Music Week a ni ang bawkin tuta tum chu ei kohranin a biktaka hlabu ei hmangrawn deu hai Kristien Hlabu, Hlamawi Bu le Independent Kohran Hlabu hai hmang hun ding ei hung siema, Week hmang dan ding tlângpui ei hung ziek hai kha tha taka tiema zui ngei dingin eiin ngen bawk a nih. Music Week hmangtuhai po poin ei Pathien hi Pathien Ropui a ni zie, Pathien thilthawthei le iengkim chungaroreltu a ni zie ei hriet thar zuol nawk theina ding le ama betuhai po poin, ei hringnun khal dan in ennawn a, ei mawphurna chit hai hre thara, theitawpa Pathien chibai bûkna hi kohran el ni loin mimal tin khawma ei nei zawm pei theina dingin Lalpan tiemtu le inchûktuhai po po malsawm raw sen cheu.

Diamond Malsawmthang
Lamka, Churachandpur

Pathien chibai ei bûknaa hin “kei naw pathien dang nei naw” (Exo.20:3) hi ei innghatna ding a nih. Pathien chibai ei bûknaa hin ei ngai pawimaw tak ding, a pakhatna (priority) a ei si ding chu Pathien a nih. Thuthlunglui huna hai khawm Pathien chau chu a pawimawtak le ngai pawimawtak ding thu ei hmu (Deut. 6:4,5). Khawvela hin ngaisang ding tam an tih, ngaipawimaw ding dang khawm tam an tih, amiruokchu Worship service huna chau khawm nilo ei hringnun a hin Pathien a pakhatnaa si hi a pawimaw tak a nih.

Worship is about God – Pathien chibai buk chu Pathien chungchang a nih, nang le kei a chungchang a ni nawh. A chang hin worship team hai hin ‘credit’ (kei ka zâr a nih) ei lâk nuom vieu hlak – Lalpa zâr chau a ni lem a nih. A châng hin Pathien inpâkna hla sak hai nekin music mawizie, instrument pertuhai thiemzie le sound mixing thatzie, stage hnungtienga screen a mawizie hai hin hmun a hlao lien nuom vieu hlak. Hienghai po po hi worship a chu a pawimaw vawng lai zingin a pawimaw tak chu Pathien a nih. A pakhatna chu Pathien a ni ding a nih. Pathien dang biek ding, chawisâng ding, chawimawi ding la hung pung pei an tih nisienlakhawm ei Pathien Ropui ang Pathien dang tukhawm an um nawh.

Pathienin thiemna a ngaipawimaw (Sam 33:3), Pathienin ri inremtak a ngai pawimaw (II Chanchin Suina 5:13), nisienlakhawm Pathienin a ngaipawimaw tak chu “lungri le titakzeta ama chibai buk” hi a nih (Joh. 4:23-24).

Hrittlâng ding:

1. Kohran hai hin ei worship service hunah Pathien a pakhatnaa ei la si zing am? Annawleh a pakhatna hlao thei ding thil dang a um am? Hril zau ding.



ZAN SARI NA

(Pathienni – August 9, 2026)

Praise & Worship	:	_____
Inkhawm Thuoitu	:	_____
Inpakna Hla	:	_____
Thupui hrilzautu	:	_____
Thupui	:	Pathien ngai pawimaw hmasatak ding.
Mipui hlasak	:	Independent Memorial
Week kharna	:	_____

Thupui thenawi:

1. Pathien chungnungtak a ni leiin (Sam 95:3).
2. Ami siemtu le Ama ta ei ni leiin (Sam 100:3).
3. Ei lungri lah inlaltaka sie tlat ding (1Pet.3:15).
4. Iengkim ei thaw taphawt Lalpa ta dinga thaw pei ding (Kol.3:23).
5. Lalpa ta ding chauva hringin (II Kor.5:15).

PATHIEN NGAI PAWIMAWI HMASATAK DING: Ei hla siemtu Pu Solomon V. Hmar chun “Ka ta dingin i hlu, ka mamaw le ka tul i nih; ka khâtin hringna hrim ka nei thei si nawh, ka hringnuna a pakhatna I nih” a lo ti angin Pathien um nawna, Pathien umpui lo hringnun chu hringna lunginsietum a ni hlak. “Zing ni a hung suokin Lalpa mi tho pui la, sun a hung ni’n min tlawnpui la, zantieng a hung ni in Lalpa mi tin pui la, zan a hung ni’n laikhum mi bêl pui rawh” tiin zing nisa suok ânthawk le zal hmun ei rem chen Lalpa ei mamaw zie hai a hril. Thi ang dera ei zal lai khawm Pathien chun inlusu lovin a mi vêng zing (Sam 121:3). Pathien vêngghimna dawngtu, a sandamna changtu, a malsawmna intemtuhai hin Pathien hi a pakhatna a ei sie ding hrim a nih. Ama chau hi ropuina neitu, chawimawina phu, inpâk tlâk a nih.

MUSIC WEEK HMANG DAN DING:

1. Music Week hi thalai ta ding bik a ni nawh a, Local Music Committee hnuaia um a ni angin, Local department hai po po an thang seng theina dingin program hai thiem taka siem dingin eiin ngen a nih. Entirnân: A lo thei pal chun zantin hin department dang dang hai special number dâm pek ni sien.
2. Hla thuoitu ding bik indin ngei nisienla, a thei chun hi hapta sunga ding tawp Hla thuoitu team pakhat indin annawleh zantina team dang dang indin khawmin ei remchâng ang peiin. Hi hla t thuoitu dinga ruot bik hai hin theitawpin a hmalawkin lo inbuotsai ngei hai sien.
3. Hla hai hi ei hriet râwn theina dingin Independent Kohran Hlabu, Kristien Hlabu le Hlamawi Bu hai hi zan hni seng sak hun bik nei nisien. Entirnân: Thawtanni in Independent Hlabu chau sak ding, Thawlenni in Kristien Hlabu chau, Nilaini in Hlamawi Bu chau etc.
4. Discussion um hun haia hin discussion thuoitu dingin ‘subject latu’ hai papêk el loin, discussion thuoitu ding bik mi pakhat ruot nisienla, subject hai lo tiemlawk peiin discussion a hlawk thei dan ding ang takin lo inbuotsai lawk ngei sien.
5. Kohran tamtak chun remchang nawna leiin subject keikawp khawm ei thaw zeu zeu hlaka, a thei china harsatna a umnaw ding chun hapta program a ni angin zan tin hmang suo hram nisien.
6. Pathienni zan thawlawm hi Local Music Committee in enkawl na ding a hmang ning a tih.

Thurawn:

Local Committee le inhrepawin Music Week tawp ni tak Pathienni sun huna hin Kohran sunga Local Music Committee member po, hla thuoitu ni thei ding awma ngai hai, musician a ruot hlak po, khuongpu a ruot hlak po, hla châng hriltu dinga ruot hlak po, sound operator hai le Local Music Committee in rimawi le inzawma thiemna bik nei tul le tha a ti hai po kokhawmin PRAISE & WORSHIP le inzawma hmasawn dan ding, hmalak thar dan ding le P & W Team pawimaw zie hai inhrilhrietna (seminar/workshop/paper presentation) le discussion hun hai nei thei ngei nisien.



ZAN KHATNA

(Thawtanni – August 3, 2026)

Week hawngna : _____
 Praise & Worship : Kristien Hlamawi Bu Zan
 Inkhawm Thuoitu : _____
 Inpakna Hla : _____
 Thupui hrilzautu : _____
 Thupui : **Lawmthu hril Hringnun**

Thupui the nawi:

1. Lawmthu hril hringnun chu lawm puma Biekin sũaga lût a nih (Sam 100:4).
2. Lawmthu hril hringnun chu lawm rawp hringnun a nih (Phil. 4:4, I Thes.5:16).
3. Lawmthu hril puma Lalpa hmaa inlang ding ei nih (Sam 95:2).

LAWMTHU HRIL HRINGNUN: Pathien chibai bũktu hringnun hi hringnun awlsam a ni nawh. Puotieng ânthawka thlir chun thlarau mi, mi invawngtha, ẵawngtai mi le thiemna bik nei inhnarum em em angin in lang sien khawm thlarau hliem zing zing, inkhũa tuok zing zing hlak, rẫlkũa inthawka dem bữ le sungril taka beidawngna rữk nei hringnun a ni ve chẫng a tam. Chuong sa saa, lungril taka Pathien chibai bũk hlak a ni leiin, mi dang nẽkin lawmna ding san a hau a. A nun a hlim hlak hrim a nih.

Ringtu hringnun hin lawmna ding le lawmnaw ding hi in zat rawngin a hmasuon hlak a, chulaia nun thuoitu ding tak chu lawm thei rawp nun hi a nih. Pathiena ei lawmna ei suklangna chu, Ama Chibai ei bũkna hi a nih. Pathien chibai bũkna hin hun le hmun hran a nei nawha, building kil li nei sũaga ding chau khawm a ni bik

ei lan khawm tawl am? Mani local le mimal ngirhmun seng enin hril zau ding.

2. Tulai Kohran a hin “fell-good program” (inhawi tina ding program) a tam ta em ema, hieng hai hi Kohran inthanglienna dingin a tha tho am annawleh Pathien chibai bũkna program hai a suknẽp lem am?



LUNGRIL kha a lâwm sa a nih. Kaina a thil inhlan a lo hmasuokhai le a thatak, a ra hmasahai ân hlan nuom naw na LUNGRIL kha Pathienin a lâwm naw a nih ti ei hmu.

Nang le kei hi Pathien be dinga ei fe hin ieng lungril am ei lut pui aw ti hi ei inngaituo a pawimaw awm de. Inpâkna hla i saka Pathien i chawimawia in ngai lai khan i lungril put hmang kha Pathien lâwmzawng ani kher dâl thei. Pathien ta ding tiin thawlawm i pek kha Pathien rama ding nisienkhawm i thawlawm pek laia i lungril put hmang kha Pathien lâwmzawng ani kher dâl thei. Inkhawma ei fea Pathien be dinga fe chu thiltha thaw ei ni lai zingin inkhawm dinga ei fe laia ei lungril put hmang kha Pathien lawm zawng a ni kher naw thei. Chuleiin Worship an dik ding chun ei LUNGRIL hi andik a pawimaw takzet.

Bau le Hmur chawa chibai bûkna hi Lalpain a pawm nawh (Isai 29:13). Nu le Pain an mi nawrlui leia inkhawm ei ni am? Pathien chawimawi tumna tak tak nei lo, thuoituhai in mawphurna an mi pêk hun chawa inkhawm, a hnunga uksak nawk mang si lo ei ni am? Hieng ang hi a ni awm de ei Pathienin an bau le an hmur chauin an mi chawimawia an lungril chu keia hlata an sawn hlak a ti hai chu. Tulai Kohran a hin hieng anga bau le hmur chawa Pathien ram hmangaitu le Pathien chibai bûka chawimawitu hi ei va tam ta em em de maw! An hawina hmun chena rawngbawl nuom dâm, hming inlangna china rawngbawl nuom dâm, mani tha ti dân dân Pathien thutak hem kuol dâm hi ei pung pei chu a nih. Pathien tienga lungril pe tak tak lo hai chu zawlnei Isai bawkin ‘in kut hai chu thisenin a sip sia’ (Isai 1:15) a ti hiel a nih. Chuleiin, Pathien chibai bûktu mizie indiktak chu Lungril indik a nia, lungril indik lo chun Pathien chibai bûkna tak tak a tling nawh.

Hriltlâng ding:

1. Inkhawm program hai hi “a pangngai el” ei thaw ding reng angin ei ngai ta am? Annawleh Pathien chibai buk nuomna tak tak neiin

nawh, mani insûng a ding chau khawm a ni bawk nawh. Paula le Sila khawm kha intângna inah tawngtaina neiin hla an sak a ni kha (Thil. 16:25). A hranpa lieuin Pathien chibai an bûk ti inziek naw sienla khawm hlasak le tawngtai chu Pathien chibai bûkna a nih. An tawngtai ti ei hmua, an tawngtai chun lawmthu an hril ngei tina a nih. Intângna inah inthawka lawmthu hril chu thil intak ning a tih, amiruokchu, thil thei chu a ni si.

Phurrik tak phurin, Pathien chibai bûk dingin Biekin ei pana, a sùng ei lût hlak. Chuong laia, “lawmthu hril pumin a kawtkhar a chun lût unla” (Sam 100:4) ti changchawia Pathien chibai bûk dinga inthawksuok chuh thil namen lo tak a nih. Amiruokchu, Pathien chibai bûk dinga ei fe hin a pawimawtak chu ama a na, lawmthu ei hrilna ding tak khawm ama a nih. Phurrik tak phur puma Pathien chibai bûk dinga ei fe châng hin, Pathien thatna chite bêk, tlawmte bêk, mal khat bêk hrietsuok tum la, tlawmte chungka khawm nisien lawmthu hril hram hram rawh. Chuong anga thaw chu chibai bûk dan indik a nih. Chu ding chun ei Pathien thu khawmin a min fui a nih.

Pathien chibai bukna hun hi mihriem in chawisângna hmuna hmang a awl hlak leiin hi kawnga hin ei fimkhur zuol a pawimaw. Biekin sungah thungna bik neia inngai ei tam, pulpit sira thungna hi insângna a ni hran nawh, a hnung taka thungna khawm inngaitlawmna a ni chuong nawh, a pawimawtak chu Pathien chibai bûk a nih. Ei pulpit hai hi mihriem inchawimawina ding a ni nawh, fiemthu thaw thiem inelna hmun ding khawm a ni nawh, thuhrl thiem inzawng na ding khawm a ni nawh, Pathien thu khêkpuina ding le Ama ei inpâkna ding hmun a nih. Ei Worship a hin Pathien kuomah lawmthu hrilna ri le inpâkna ri char hai hi inringtak sienla, inkhawma fehainun a hin Pathien kuoma lawmthu hril hringnun char hmu ding um sienla, Solomonin templea Thuthlung bawm a laklut tuma Pathien ropuinan sùm angin a sip ang khan ei Biekin hai Pathien ropuinan hung sip sien a van hawi awm de aw! (I Chron. 5:11-14).



Hritlâng ding:

1. Lawmthu hril ti hin hla saka lawmthu hril chau ani nawa, lawmthu hril dan chi tum tum hai hrilin, kohran hai hin a têlpuia lawmthu hrilna ei thaw tawkin ei hriet am? A neka thalema thawdan hai khawm hrilsap nisien.



ZAN RUK NA

(Inrinni– August 8, 2026)

Praise & Worship : Independent Kohran Hlabu Zan
 Inkhawm Thuoitu : _____
 Inpakna Hla : _____
 Thupui hrilzautu : _____
 Thupui : Pathien chibai bûktuhai mizie :Lungril indik

Thupui thenawi:

1. Lungril indik chu Pathien Inzâna le Pathien tîtna lungril nei a nih. (Heb. 12:28).
2. Lungril indik chu Thlarau le titakzeta chibai bûkna lungril nei a nih (Johan 4:23-24).
3. Lungril lungriem ithlâk le insîr ngawi ngawi hai Pathienin a hmusit ngai nawh (Sam 51:17).

LUNGRIL INDIK: Genesis 4-a khan Kaina le Abel chungchâng ei hmua, Abel le Kaina hin Pathien chibai bûk dingin an hunga, Pathien kuomah thil inhlân an nei ve ve. Abel chun a beram ruol laia a pieng hmasatak le a thau chu ân hlân a, Kaina ruok chun a lo hmasuokhai ân hlân a nih. Chang 4-5 ah “Lalpa chun Abel a thilinhlan chu a lâwm a” - a ti nawh a “Abel le a thilinhlan chu a lâwm a” a ti a nih – LE ti hi a bel kher a nih. Chuong ang bawk chun Kaina le a thilinhlan a lâwmnawha a ti a nih - LE a hmang ve ve a nih. A umzie ânthûk hle. Abel a thilinhlan beram ruol laia a pieng hmasatak le a thau chau kha a lâwm nawa, Pathienin Abel lungril put hmang khawm a lâwm ti chieng takin ei hmu. Abel chung a lâwm nasan chu iem ana ei ti chun Pathien ta dinga a thatak, a thautak, a hmasatak a pek nuomna





Thuawina le thuawinawna hin mihriem nun a thlâk danglam thei ve ve a. Adam hmasa thuawinawna leiin mihriem a pieng ta po po le a la pieng ding hai po po suol a mîn ni tir a, Adam nuhnung thuawina leiin ama ringtu taphawt hai chu mifel a mîn ni tir. Pathien chibai bûktu indik tak chun ‘thu a awi ding a nih’. ‘Pathien chibai bûk’ ei ti hin biekin sunga ei nun dân le changzie chau a kaww nawh a, puotienga ei hringnun hmang dân hai - Ei ƣawng dân, ei vênghai ei hmangai dân, ei insûng enkawl dân hai hin Pathien chibai bûktu ei ni le ei ni naw chieng taka suklangu an nih. Thuhritlu thenkhatin “You are the fifth Gospel” an ti hi a va ƣa em em de e! Matthai, Marka, Luka le Johan hai hi Chanchintha pali a tiema tiem thei hai an nia, chanchintha pangana chu a tiem el chau nilo, nuna hmu thei chanchintha a nia, chu chu ‘Nang le kei’ ei nih. Chuleiin, Pathien chibai bûktuhai umdan ding chu Pathien thu bawkin a mi hril. Ei umdan hai chu chanchintha le inmawi ding a nih (Phil.1:27), hi khawvel dân anga um lo ding a nih (Rom 12:2), inngaitlawm ding, dawtheina nei ding (Eph.4:1). Pathien thu in a mi hril hai po po hi a famkima zâwm chu intak hlêng a tih, Pathienin Dan sawm a mi pek khan ei zâwm vawng thei dingin ngai kher naw nih, amiruokchu amaa inng-hata, ama ringsana, ama bêla iengkim zâwm vawng thei a nih ti ruok chu a hriet. Chuleiin, ei hratna po po, ei lungril po po, ei thlarau po po ƣhangkhawma Pathien thu zawm tum ƣal ƣalna nun hi Pathien chibai bûktuhai mizie indik tak a nih.

Hritlâng ding:

1. Kohran hai hi a telpuiin (annawleh mani local seng thlirin) Pathien chibai bûktuhai mizie pakhat ‘thuawina’ hi ei nei tawl am? Ei nei tlawm a ni chun iem a san ning a ta?
2. Biekin inkhawm hun sùng chau ‘Pathien chibai bûktu’ ni thei ani am? Chuong ang chu an um chun ieng tak am an baksamna ning a ta?



ZAN HNINA

(Thawleni – August 4, 2026)

Praise & Worship : Kristien Hlabu Zan
 Inkhawm ƣhuoitu : _____
 Inpakna Hla : _____
 Thupui hrilzautu : _____
 Thupui : **Pathien Inpâk le chawimawi nuomna nei Hringnun**

Thupui thenawi:

1. Inpâka inthawina inhlân rawp hringnun a nih (Heb.13:15).
2. Iengkim inthuokthei taphawta inpak hlak hringnun a nih (Sam 150:6)
3. Kawlhnaw ngeituo ang Inpâkna chu an bauah a um hlak (Sam 149:6).

PATHIEN INPAK LE CHAWIMAWI NUOMNA NEI HRING-

NUN: Pathien nina hai hrechiennga Pathien inpâk le chawimawi naw chu ringtuhai hin thaw ding dang ei nei nawh. “Vânah I ditzawng thaw a ni angin, hnuaia khawm thaw ni raw se” (Matt.6:10) tia inkhawm zât deuthawa ei ƣawngtâina hla mawl hi ringtuhai chun ei thaw ding tak le ei zâwm ding tak chu a nih. Hi hi ei ngaituo hlak dim? Pathien chibai bûk hi thi hnung kheltienga hin a sunzawm pawla ƣhang I tim? a sunzawm talo pawl ah ƣhang I tim?

Sam 100:4 na chun ‘Inpâk pumin a biekin inhuonna sùng tuollaia chun lût ro’ tiin a mîn fui. Mexico ramah khun Chol Indians ti hnam an uma, an ƣawng hmang khawm CH’OL ti a nih. Hieng hnam hai hin Isu Krista chanchin ƣa an dawng hma khan music amani hlasak dân hrim hrim khawm hre lo an nih. An chanchin inziekna lekhabu



chun “Missionary mi pahniin an um chila, hun sawttak el chanchin tha hai an hril a, kum 25 sùng an um chil chun Bible hai khawm an hung nei ta a, hienga chanchin tha an hung hriet phing chun hlasak dân hai dân an hung thiem taa”, khawvel mipui hrietin THE SINGERS – HLASAK MIHAI tiin an chanchin ziekto chun a ko ta a nih. “Hla sak na ding san an nei ta leiin hlasak inhawi an ti ta em em a nih”. Vawisun hin Pathien rama dinga worship thuoitu dinga ruota um hai hin ‘hlasakna ding san, guitar perna ding san, hla inzawt na ding san, keyboard hmetna ding san, khuong vuokna ding san le Pathien chibai bûk dinga fekhawmhai hin Pathien inpâkna ding san ei nei seng. Sam 40 naa Lal David khawm bohmanagna khura inthawkin LALPA in a khai suok a, lungpui chung a ke ân nhat a, Lalpan a bauah hla thar a pêk ang hin nang le kei khawm bohmanagna khura inthawka mi keisuokin, thina chirhak inhnâk takin a mi mande zing laia inthawka mi khaisuokin, lungpui chung a ngir dingin a mi kei suoka, LALPAN thil ropuitak ei hringnuna a mi thaw pek lei hin ama inpâk le chibai bûk hi ei thaw ding reng, ei thaw ding makmaw, sel lova ei thaw ding a ni lem a nih.

Ei Worship a hai hin mihriem inpâkna a thang ding a ni nawh. Hlawtlingna leia Pathien kuomah lawmthu hrilna hunser hai chu thuhra nisienla, abiktakin pulpit rawngbawlnaa hai dân mimal hming le mani chanchin hril hi thaw tam taluo a tha nawh. Pathien zâr chauh hieng chen inbâtkai ve tawt tawt hai ei ni leiin Pathien inpâkna ri tilo chu Worship a hin ri dang a um ding an nawh. “Rimawi thil chi tinreng hai hi, ngainuom ka ti thei nawh; Mihriem sandamtu I hming hi, ri mawitak a ni lem” ti hi ei hlapui ding a nih. Inpâkna hin Pathien thilthawtheina a keisuok hlak angin Pathien lungril sunthleng inpâkna ri chun harsatna le phurrik ei nei hai khawm a mi sawk el khela a sukkieng hiel thei. Sap hla pakhat lem chun “You can Praise the hurt away” (Phurrik lampuah inpâk thei) a ti hiel a nih. Inpâkna ri hi thlarau ralthuom pawimaw em em a nih (II Chro. 20, Sam 8:2). Inpâkna ri chu kawlnam ngeituo kuta chawi ang hi a nih (Sam 149:5-9). Chuleiin, Pathien inpâkna ding san ei nei ti hrechien-ga Pathien Inpâkna hi thaw mawl mawl ding ei nih.

ZAN NGA NA

(Zirtawpni– August 7, 2026)

Praise & Worship : Kristien Hlabu Zan
 Inkhawm Thuoitu : _____
 Inpakna Hla : _____
 Thupui hrilzautu : _____
 Thupui : **Pathien chibai bûktuhai mizie :Thuawina**

Thupui thenawi:

1. Pathien thuawi hai chu Pathien hmangaitu hai an nih (John 14:15, I John 5:3)
2. Pathien thuawina hi malsawmna a nih (Deut. 28:1-2).

THUAWINA: Genesis 22:5 ei en chun “Chuongchun, Abraham chun a siehlaw tlangvalhai kuoma chun “Hitaka hin sabengtung le hin lo um ro, kei le naupang hi saw taka sawn fêng kan ta; chun Pathien va bieng kan ta, in kuomah hung kir nawk kan tih” a tia, Abrahamin Pathien chibai a bûk theina ding chun Pathien thu a awi (a naupa inhlân) a ngai. Hi lai châng hi ei en chun, a naupa ân hlan ding chun “hung kir nawk ka tih” tiloin ‘kan’ a hmang tlat hi Abraham chun Pathienin mithi ta hnung khawm a keitho thei ti a ring tlat lei ning a tih (Heb. 11:19). Chier khawm a chier nawh, sawisel khawm a sawisel naw, Pathien thupek a ni leiin ringna le thuawitakin a zui tawp el a nih. Thuawinain Pathien chibai a bûk a nih. Abraham kuomah Pathienin a thilpêk hlutak nau malsawmna inhlân dinga thu a pêk ang hin eini khawm Pathien thilpêk hai (ei Isak hai) – thlarau thilpek hai, ei talent hai, ei thiemna, ei varna, ei hun, ei iengkim el hi Pathien ta dinga inhlân ve ding ei nih. Asanchu, iengkim hi ama siem a nia, ama ta ding vawnga a siem a nih (Kol. 1:16).





an hringna chen khawm an inhlân ngamna hai a ropui takzet. Vaw-isun hin eini kohran bika suknawmnatna lem chu nasatak la tuok naw inla khawm ei rawngbawlpui mission tienga hai chun an tuok zeu zeu hriet ding a um. Pathien chibai bûktu tha chun a iengkim, a hringna chen khawm inhlânfaï ngamna hringnun neiin rawng a bawl hlak. Pathien chibai bûk dân indiktak chun, iengpo tlung sien ngir phawt ka tih, fe pei phawt ka tih, lawmin lawm phawt phawt ka tih a ti hlak. Pathien chibai bûkna hi nuom zawng thawna le inhawi chênna hmun ani nawh, lawmthu hrilna le ata dinga inhlân tharna hun a nih.

Vawisuna kohranhai hin taksa le hringna inhlânfaïna le inpumpêk-na ding tamtak la nei kher naw inla khawm, rawngbawlna kawnga inpumpêkna ding tamtak ei nei. Taksa inhlân chu hrillo inkhawm peilo, hla inchûk peilo, Kohran sin a inthawk peilo eiin kat nuk el an tah. Tirko Paula in taksa inhlân a ti hin iengkim inhlân ding a tina a nih – ei lungril, ei thlarau, ei ngaituona, ei thlûk, ei mizie, iengkim el hi Pathien kuomah inhlân dingin a mi phût a nih. Hieng hai po po chung a ei thuneina hai kha Pathien kuomah inhlânfaïa thuneina pêk ding a tina a nih. Pathien chibai bûktu chun iengkim el Pathien kutah a si hlak. A sie a tha a tuok ding khawm nisien Pathien kutah ân hlân hlak. Hei sâwr chin met ei tih – inkhawm laia mobile them chun a lungril mobile-ah a um tina a nih. Mipui hlasak a pathumna nghak malam a tuola gawp lo thet chu Pathien inpâk le chawimawi peilo hai an ni nuom vieu hlak. Kohran sin chu ni si, pawimaw ang reng si, tîn hnung khawma la thaw thei tho ni si inkhawm laia lo buoipui hai chun Pathien chibai bûkna tieng an ngaituona an pek nawh tina a nih. Tulai thalai lem chu inkhawm laia inzun suonlama toilet-ah va bâr zeu ei pung deu deu. Hieng hai po po a hin Pathien ta dingin ei inhlânfaï, ei inpumpêk naw zie a suklang. Chuleiin, Pathien chibai bûktu indiktak ei ni theina ding chun worship service huna hai khawm ei nuomzawng, inhawi ei ti zawng, ei thaw nuom zawng hai mâksan ngam a tul.

Hritlâng ding:

1. Biekin sunga hawp le hmuom, mobile them hai hi iengtinam suktlawm thei ei ta?



ZAN THUMNA

(Nilaini– August 5, 2026)

Praise & Worship : Independent Kohran Hlabu Zan

Inkhawm Thuoitu : _____

Inpakna Hla : _____

Thupui hrilzautu : _____

Thupui : **Inngaitlâwmna Hringnun**

Thupui thenawi:

1. Isu Krista ang inngaitlawmna hringnun nei (Phil. 2:5-7).
2. Lalpa mithmua inngaitlawm hlak hringnun a nih (Jakob 4:10)
3. Inngaitlawmna hringnun chu hausakna a nih (Thuvarhai 22:4).

Inngaitlawmna Hringnun: Saktieng rama Pathien thu hril hlak pakhatin a thuhirilna hmuna mipui fekhawmhài ‘ringna kalchawina’ thua indawn nuom in um chun tiin hun a hawnga, nunghak tleirawl deu el pakhat chu a ngir a, “Pu, iengleia ei Pathien hin inpâkna le chawimawina hai po po hi ama ta ding vawngin a dit am ana? A chapo a nih Pathien hi” tiin zawna an dawna, thuhiriltu chun tawifel deuin “I zawna hi hei ngaituo nawn la tu am a chapo lem a? Pathien a chapo am? Nang I chapo?” tiin a dawn. Nunghak chun hril zawm ding a nei ta nawh. Hieng ang zawna mak tak tak el hi ei khawvel hung inher pei le inruol hin a pung pei ding a nih. Chapona hi Pathien itheida tawp a nih. Worship thuoitu tlûkna hmasatak chu chapona lei a ni kha (Eze.28:16,17; Isai 14:12-14).

Pathien chibai bûkna indik nei ding chun tum hnuoi a ngai. Luka 19:5 ei en chun “Chun, Isu chu chu hmun a tlung chun a tang a, a kuomah “Zakai, hung tum vak rawh; vawisun I inah ka tlung ding a nih” a ta. Isu ei kuomah a tlung ding chun tum hnuoi a ngai a nih. Isu biek hi ei tum lui tlat ding a nih. Pathien chibai ei bûkna a hin abik takin platform/mawphurna chang bîk hai hi chapo a lo awl nuom



khawp el. Pathien thucha hriltuin theitawpa a hril zo hnung inkhawm tinah kohran member haiin ei chibai sup sup khan “a theina” a sawn nuom vieu thei tlat. Inpâkna hlasaktuin a hlasak leia ngaithlatu hai tap zawi zawi a hei hmu lem chun a sak laklaw lai khawm an chûk dan naw angta danglam taka rawl insuo a um thei tlat. Worship t huoit le musician hai lem chu mipui hmatienga ngir anni tlângpui lei hin lucifer hnung zui theina lampui ân hawng lien hle. Pathien chibai ei bûknaa hin Pathien chungnungna (a nina) a thilthawtheina le thuneitak a nina a inzana pek ding a nih (Matt. 6:9). Pathien chibai ei bûk hin, Pathien hmaa misuol ei ni zie hai dam (Sam 51:17), tlinglo, siem tling ei ni zie dam hre zinga Pathien hmaa, a kuoma intuklût le inphahnuoi ding ei nih (Jak.4:10). Chuong ang taka tum hnuoia Pathien chibai ei bûkna hin Pathien chungnungna a tarlang hlaka, ei ni hai hmangin Ama le Ama an chawimawia, chuonga chibaibukna chu inthawina hring, inthieng le a lawmtlak a ni hlak a nih. Chun, ama bawkin mi chawimawi a ta (Jak. 4:10), hieng ang taka chibai ei buk chun ei mimal nun le kohran chau niloin, ei ram chen khawm Lalpain mi la sukhrisel pêk ngei a tih (II Chro.7:14).

Pharisai tawngtâina hi Lalpan a theidaa, pharisai chibai bûkna hi Lalpan a pawm nawh. “Pathien, kei mi suol hi mi lunginsiet rawh’ tia awm chum puma vanteng khawm dâk ngamlo siedawltu tawngtâina hi Lalpa lung tlûkna a nih (Luka 18:11-13). Midang nekin thawlawm i pêk rawn lei khan Kohran a ditsakna i chang rawn bik dingin beisei naw rawh. Mi hrietlar le hnam le ram rawngbawltu i ni lei el khan a hma tlar tieng i thungna ding an sukruduk dingin beisei naw rawh. Roreltu ngirhmuna ngir i ni lei el khan i thu vawngin kohran ân hêm dingin beisei naw rawh. Lalpan tha a ti angin ro rel lem hlak a tih.

Hriltlâng ding:

1. Vawisuna kohran hai Pathien chibai bukna huna hin mihriemna hi a lien ta hlein ei hriet am? Ei hriet dan le ei hmu dan hai hril zau ding.



ZAN LI NA

(Ningani– August 6, 2026)

Praise & Worship : Kristien Hlamawi Bu Zan

Inkhawm Thuoitu : _____

Inpakna Hla : _____

Thupui hrilzautu : _____

Thupui : **Inhlânfaina Hringnun**

Thupui thenawi:

1. Pathien ilawmtlak ni dinga taksa inhlân (Rom 12:1).
2. Mani ta chau enlo hringnun a nih (Phil. 2:3-4)
3. Mani taksa pênghai felna hriemhrei dinga inhlân hlak hringnun a nih (Rom 6:13)

INHLANFAINA HRINGNUN: Thuthlunglui hun lai khan Pathien chibai bûk ding chun maichâm siema pumrawhmang thilinhlan thaw a ni hlak a, hieng thil inhlân hai hin suol ânthawka thienghlina, lawmthu hrilna hai an entir. Thuthlungthar huna khan Isu Krista in Pathien chibai bûk ding chun mimal inpumpekna a hung hril uor tan a, thlarau le titakzeta ama chibai bûk ding thu hai a hril. Nitin hringnuna thil thaw le rawngbawlna le thuawina kawnga inhlânfaina a hung ngai pawimaw tah. Vawisuna Pathien chibai ei bûk dân ruok chu pumrawhmang thilinhlan ni ta lovin iengkima Pathien kuomah inhlânfaina, inpêkfaina, inpumpêkna, inpâka inthawina dâm, thil sukthat le tiktlai dâm a hung ni ta lem a nih (Hebrai 13:15-16).

Inthawina hring le inthieng le Pathien ilawmtlak ni ding chun taksa inhlân dingin tirko Paula in a mi tih (Rom 12:1). Nero hun laia Kristien tamtak hai sawisak, vuokhlum, raw hlum, khaihlum an um khan Pathien ta dinga ringna nghet an neizie le iengkim inhlânfaia

PATHIEN CHIBAI BUKTU HAI HRINGNUN

(Life of a True Worshipper)

*MUSIC WEEK
2026*

Assembly Musical Board

Independent Church of India